

續雲南備徵志

秦光玉 編纂
李春龍 點校

中

雲南出版集團
雲南人民出版社

續雲南備徵志

秦光玉 編纂
李春龍 點校

中

雲南出版集團

雲南人民出版社

圖書在版編目 (CIP) 數據

續雲南備徵志：全三冊 / 秦光玉編纂；李春龍點校.
—昆明：雲南人民出版社，2017. 8
ISBN 978-7-222-14122-3

I. ①續… II. ①秦… ②李… III. ①雲南-地方志-清代 IV. ①K297.4

中國版本圖書館 CIP 數據核字 (2017) 第 200640 號

出品人：趙石定

責任編輯：王 韜 高 照 鄭燕燕 柴 銳

裝幀設計：楊曉東

責任校對：王以富 霍 紅 周 彥

責任印製：洪中麗

續雲南備徵志（上、中、下）

秦光玉 編纂 李春龍 點校

出版 雲南出版集團 雲南人民出版社

發行 雲南人民出版社

社址 昆明市環城西路 609 號

郵編 650034

網址 www.ynpph.com.cn

E-mail ynrms@sina.com

開本 889 × 1194 1/32

印張 84.5

字數 1800 千

版次 2017 年 8 月第 1 版第 1 次印刷

印刷 雲南出版社印刷（集團）有限責任公司 雲南新華印刷一廠

書號 ISBN 978-7-222-14122-3

定價 800.00 元（全三冊）

如有圖書質量及相關問題請與我社聯系

審校部電話：0871-64164626 印制科電話：0871-64191534



續雲南備徵志卷九

呈貢秦光玉璞安編纂

水道提綱

清齊召南撰

錄雲南南出之水及大江、粵江、西藏諸水之關係雲南者。

雲南南出之水

中國濱東南海，故直省巨川，未有流出於外者。惟雲南南界交趾，其水自北歸金沙，東歸盤江而外，水之入南海者，越境尚多，瀾滄、潞江乃最大也。今自東而西，編次自者賴、普梅二河始。

者賴河，出廣南府南二百餘里土富州之西南山。南流，稍西，曲曲行兩山間二百里，南入安南國界。

普梅河，出廣南府南百八十里大山。二源：一自山西南流，其源在者賴河源西北六十餘里數十里，一自

山東南流其源又在東水之西北五十里大山〔二〕，合而正南數十里，折東南，曲曲又六十里，南入安南國界又西爲開化府河〔一〕。

開化府河，上源曰烏期河，出府西北百五十里大石牙之西南山。東北流，經村南。又東北數十里，折東南流，經樂農寨北。稍東，有迷勒河自南來會。又東南，合東北來一水，折正南流數十里，有路梯河自西南來會河出府西七十里山中。又東南流，至府西北二十里，有磨底河自西南來會河出府西五十里山。又東至高山下伏焉，數里復出，曰天生橋在府西北十五里。東南流，經府城東北。又東南十里，折西流，經城東南。又南，折而東南，伏於山下數里，從東南山洞復出，曰天生洞洞在府東南約十七八里。又東而南，曲曲百三十里，有一水自東北合二溪，西南流二百里來會。此水在普梅河之西百五十餘里。又南曲曲數十里，至大山北麓伏焉，復從南麓湧出，是有三天生橋也。未伏時，有賭咒河，西自山中東南流數十里，東伏于大山下，數十里復出，而會開化河俱伏，故南麓涌出之水益壯。又東南，曲曲百八十里，南入安南國界。此水行五百餘里，過三天生橋，而賭咒河亦然。又西爲三岔河。

三岔河，正源出蒙自縣東五十里山中蒙自縣，臨安府之東南邑也。西北三十里有長橋海，廣數十里，二角向東北及東，四時不涸。東南流，曲曲百五十里，有鑽天青河，西北自縣南境山東南流百餘里來會。又南，有那木果河，東北自開化府西南境者安塘之南山下西南流百五十里來會，曰三岔河。又西南流百餘里，受西北來一水，折東南流百六十里，南入安南國界。此水行四百里。又西爲河底江。

河底江，二源，俱出大理府南境。東源出雲南縣西北六十里之梁山即趙州東北界，東南流，至

縣城西北，分爲二派，一支東經城北，折東南流，爲一泡江，即東北三百餘里於鐵鎖之北入金沙江者也。見前金沙江下。此水源一流分，似與廣西湘、灘及相思江相類。其一支南流，經縣城西境，東南流二十里，

折而西南，至迷渡巡司之西，有一溪，西北自白崖站北，合二水東南流，又合西南一水而東來會。白崖站北二十餘里大山，即趙州東南境，雲南縣之西界也。其山北麓二水，合而西北，爲趙州北之波羅江，西北入洱海者也。山東南麓，一

水東流，一水南流，合焉。又南經站東，又東南四十里，有一水，西南自蒙化府北山東北流來會。又東至彌渡西岸，南會梁王山水。折東南

流百八十里，受東北來一水。又南而東南七十里，而蒙化府水自西來會。西源曰楊江，即蒙化水

也。出趙州南境山在州南五十里，三溪合而南，折東南流東去白崖站八十里，數十里經大山西麓。又東南

數十里，經蒙化府城之西，折東南，曲曲百餘里，經舊定邊縣城北。又東南有定邊河，西自羅求

場西北山東南流，東經城南來會。又東曲曲百五十里，會雲南縣水。兩源既合，東南流百餘里，

折而東而南，曲曲百六十里，至碕嘉廢縣之北景東府東北境也。折東流百里曰大廠河，受北來一水。

又東南流，受西南來一水。又東流有馬龍河自北來會。馬龍河出鎮南州南境山中，一溪南流，一溪東南流，俱數十里，

合而東南，曲曲經楚雄府南境及南安州之西南境（三），至舊哨汛西。又東南數十里，折南流，經兩山間。又南來會大廠河。此水源流四百里。

又南流至元江府北境之三江口，有一江自東北會富民、羅次、安甯、祿豐、易門，西會廣通、南

安諸州、縣水，西南流，折而西北，會邦漢水而西來會，水勢大盛。源曰羊溪，出雲南府西北富民縣之西南山，

山之東麓即滇池。北流之水爲普渡河，北入金沙江者也。山西麓有溪，西北流，至羊溪冲東北，有一溪，西南自祿豐縣東南境山東北流來會。又

北流數十里，經富民縣西境，有一溪，東自縣西山來會。又北稍西數十里，經羅次縣城西稍北，折西流，經羊圈村北，又西南流百餘里，經祿豐

縣城北，有响水河自北來注之。又西稍南，受西北來九盤山水。又西南流九十里，有捨資河（四），北自廣通縣東境山，合二溪東南流來會。折東

南流二十里，有妥稍河，西南自南安州南境山東北流，合南來兩電汛之沙甸河，俱二百里，而東北來會。又東南流，有一水，東北自祿豐縣南之煉象關，合二溪，西南流，經太和街前而西來會。又南流，曲曲經易門縣西境山中二百里，又東南，而易門水自東北來會。易門水出安甯州北境山西麓，其東即雲南府之西，從滇池北流之普渡河也。此水二源，從西麓西南流而合，又西南流，有一溪，北自老鴉關之西南流來會。又南流，經縣西境，至矣栖村東，有舊縣水，西自易門庄，合南二溪，東北流，折而東南，經舊縣東來會。又西南經易門縣東北，受西來城北之水。又南，經縣東，又西，折西南流百里，與羊溪會。既會易門水，又西南百六十里，經新平縣北境，有一水，合二溪，南自縣西山北流來會。又西南至新化廢州北，折西北流數十里，有一水，東北自李海汛，北自兩竜汛至大橄欖，西北自官廠所，三溪合而南，經邦漢汛西而南來會。又西南二十里至三江口，與大廠河會。此水，匯雲南、楚雄二府之半諸水，源流六百餘里，實河底江之東南源也。既合，西南流六十里，受西北來一水。又西南五十里，經哀牢山東，折東流，又東南受東北來一水。又東南流百三十里，受東北來一水。又正南曲曲百四十里，至元江府北，曰沅江。有一水，西北合三溪，東南流百餘里，經府北而東來注之。又東南，經府城東北，又東南，有清水河，西自城南來注之。清水河出沅江府南百數十里山中，北流，折而西北數十里，合西來一水。又正北流數十里，折東流數十里，經府城南，合西南一小水。又東入沅江。又東南百二十里，受西南來水二，經南昆寨北。又東南有南充河，南自落恐司北流來注之。又東南，經宋竜塘北，稍東，有一水，南自左能司北山東北流，經思陀司北而東北來注之。稍東，有一水，北自新平縣合數河，南流來會。水出新平縣東北山，兩源合而南流，曰亞泥河。百里至東境，有襟帶河，出縣西南山，亦合兩源，東北流，折而東，經縣城南，又東四十里來會。又東南流三十里，有一溪，自西南來會。又東南，折東流，有怕還鄉河，東北自道戩縣西境山西南流，合北來一水，正南流百餘里，又合東北來羅呂鄉水而南來會。又東流，折而東南，至窩泥寨西，正南經魯魁山東麓，又南數十里，有白花竜北水，自石屏州東北境山，西北流，折而西南來會。折西南流百里，有一水，自西北合二溪來注之。又南流五十里，折東南，有一溪，東北自石屏州西南境山來注之。又東南曲曲百餘里，入元江。此水，源流五百里。東流曰河底江，經阿巴寨北，又東南經虧容甸

北，有一水，西南自瓦渣司來注之。又東南，有一水，南自溪處司東北流，而東經虧容司南來注之。又東經六蓬寨北，又東數十里，折東南流百數十里，有一水，北自納樓長官司合二溪東南流，折而南，又合東北一水，南流來會。納樓在臨安府西南百二十里。又東南五十里，經納更司東，又南百六十里，有清水河，自西北來，此水南即安南界，又有一水自東北來，並會，成三叉形。又南百里，經新寨之西，其西南爲安南國界，折東南流八十里，經壩洒汛之南，又東南，入安南國界。河底江即元江，源流千八百里，受納大理府東南，楚雄府南，雲南府西南，蒙化、沅江全府及臨安西南諸水。凡水之不北會金沙，西會洱海、瀾滄，東會八達河、盤江者，俱滙此河。故論雲南南出之水，更大者曰瀾滄（五），曰潞江，其次即河底江也。自河底江而西爲李仙江。

李仙江，即景東河，源出蒙化府東南境山。在舊定邊縣之南三十里大山。西南流，有一溪，西北自鳳

皇山東麓東南流，山西麓水，即西南流入瀾滄者，合而東，經虎街南，又東南流，有安定河自東北來會。又

東南，經安定關南，又東南，經景東府北境，有沙羅河自東北來會。又東南，東流，經新站街南，又東，折南流，有板橋河自西來注之。又南，有天窰河自西來注之。又南，有大頓河，合二溪，自西來注之。又東南流，經府城東北，又東，折西南，經城之東南，又折東南流，有蠻謝河自東北來注之。又東南，經中所塘西，稍南，受北來一水。又東南，受東北來之品秀河。又南流，受東北來一水。又南，折而東，有蠻岡河自東北來注之。南流，有阿薩河，自西南合二溪來注之。稍南，有怕莫河自東北來注之。又東南，經者樂甸西，有大弄河，西自鎮沅府北山東流來會。又南流，折而西南，經跨泥村西，稍南，有四必河自東來注之。又南，有蠻莫河自東來注，

即鎮沅東境也。又東南，經新府汛東，又正南曲曲流百九十里，經威遠州東境，曰把邊江。又折東南，復西南數十里，南流，有麻黑河，南自麻黑塘東北流來注之。折東流，經把邊塘南，又東，有慢岡河自北來注之，又東南，折正南流而西南，又東南而東流，而南，而東南，共二百五十里，有阿墨江自北合數水來會。阿墨江出舊碑嘉縣南百餘里大山，與蠻岡河源相近。此水自山東南流，合東北一水。又東南，經三家坡汛西，又東南，經哀牢山西麓，其東三十里，即河底江也。又南百六十里，折東流數十里，又南，曲曲經元江府西境二百里，折東南流，有慢會河自東北來會于阿墨塘之南。又東南曲曲八十里，有他郎河，合三水，自他郎汛南流，合東北之甸索河水，西南流來會。他郎、甸索，即元江府南境水也。又南曲曲二百里，至三江口，而把邊河自西北來會。此水源流幾六百里。又東南有薩普河，自東北合三溪，

西南流二百餘里來會。又東南流，曰李仙江，二百里，有一水自北合二大溪，南流二百餘里來會。又東南百五十里，流入安南國界。水北爲安南界，南爲老撾界。此水，源流千四百里。又西爲瀾滄江。

瀾滄江，即古蘭蒼水，疑即禹貢黑水，番名拉楚河。有二源，一出西藏喀木之匝坐里岡城西北千餘里格爾吉匝噶那山，名匝楚河，即古鹿石山也。山在諸莫潭烏巴什山東北三百餘里，衛之東界，喀木之西北界。

甚高大，即古所指吐蕃嵯和甸之鹿石山，番名格勒濟雜噶拉那阿林。其麓水，東南流百數十里，會北來之苦克噶巴山之水。又東南流，會左一池右三池水（六），形若花吐瓣。又東南百數十里，而南，而東南曲曲，有一水自西來會，始曰匝楚河。又東南，折而南，會西南來一水。又南流百

里，折東南流三百里，會西南來一水。又曲曲東南百數十里，經蘇噶莽城西南，又東南二百餘里，會東北來一水。又南會西北來一水。又東南會

東北來一水。折正南而西南流百餘里，會西北來一水。又南數十里，經叉木多廟東境，又西南，與鄂木楚河會。一源出匝坐里岡城西

北八百餘里巴喇克拉丹蘇克山，名鄂穆楚河。亦曰敖毋梨河。山下十數池，若星宿海，匯西南流八十里，有一水，自西北

山曲曲東南流二百餘里來會，實別源也。南流，折而東，而東南百八十里。又一源曰普陀戎他拉，水源更遠，自西南大山南流，折西南，又折東南流三百里，會西北來一水。又東流，折東北流，曲曲三百餘里，與巴里喀他水會。二水既合，東北流，折而東南百餘里，受北來一水（七）。又

東南流二百里，折南流二百餘里，受東北來一水。又南，折而東南，經义木多廟西，又南，與東北來之匝楚河會。

二水俱東南流，折

而南，至匝坐里岡城東北三百餘里，义木多廟前而合。又南流，受東北來一水，始名拉楚河。又南數十里，折東南流二百里，折西南流，經賈廟西北，稍南，有一水，自東北合二河，西南流，匯東南來之滾兆宗城及查木敦廟前水，與南一水北流來會。至此，番名默楚必拉。又西南數十里，過札史達克匝木穆橋。在匝坐里岡城東北百二十里，瀾滄江自源至此已□千□百□里，喀木境之大橋也。

又南數十里，折東南，而南百里，有自楚河自西北來會。羅隆宗城東北百三十里有楚、充千兩池水，番俱名布多哥鄂模，合向東南流，會匝楚果

公阿林之水。又東南經靈渦車廟前，又東南流，曲曲八百餘里來會。河亦曰匝楚（八）。

又南，受西來一水。又東南百餘里，

受東北來一水。又西南，受西來一水。又南流，過占失打哥薩馬橋。又西南百里，折向東南，而西南，經察喀羅巴西。又西南，受西來之耶爾馬巴山水。又東南百里，受西來之喀他噶里布嶺水。又東南數十里，經屈蟲帝鯨廟西南，又東南百數十里，經蒙番、怒夷地，折而東北，而東南，有一水自西來會。番名拉出必拉。又南，折而曲曲東南二百餘里，折而南數十里，自此以前，東爲蒙番境，西爲怒夷界，至雲南塔城關西，入麗江府界，曰瀾滄江。江源西已經七度。

瀾滄江自人邊，經徐那山之西，怒山之東北，西十七度三分，極二十七度四分，東北去塔城關、金沙江入邊處百七十里，

西南去潞江入邊處百二十里，南流二十里，受西來一水，自西邊界東流，經怒山南麓而東注之。

折東南流，受東北來一

水，出徐那山東北大山者，西南流來會。

又南，經樹苗汛西。又南，有一水自東來，一水自西合二溪來，並

會，形如十字。西二溪，一東流，一東北流，合而東注之。

又南折西南，經小甸塘西，折東南流，分爲二派。

一支東流至工江汛，合東一水，折而東南，曰工江，曰白石江，又名漾備江。見後。其正派，南流經風羅山西，折西南流，曲曲二百里，有白水河，自西北合三水東南流來注之。折東南流四十里，受東北來一水。又折西南流五十里，受西來一水。又南流百二十里，受東北來一水。又南六十里，有表村河自西北來注之。東南流，經表村東，有一水自西來會。又東南，經雲龍州西北境山麓，折南流，有松牧溪自西來注之。又南，受東來一水，即雲龍州北山水西南流者。南經州西南境，受西來一水。又折東南，曲曲百里，有泚江，東北自州城北合小水無數來會。泚江，源曰弩弓河，出北大山，合兩澗東南流，至白地坪西百餘里。又東南，有小鹽井山水，南流，合東一溪，西南流經坪東來會。折西南流，合西來水二，東北來水一。又南流合西來水一，又南經順鹽井西，折東南流，受東北一水。又東南受西一水。又東南有大朗河，東北自鹽路山西南流百餘里來會。大朗河源隔山而東，即白石江也。又有一水自西來會。又南流，受東北水一。又南，經大波浪村西，又南受東北來二溪合流之水。折西南流，受西北來二溪合流之水。又西南折東南流，經諸鄧井西，又南受東北來水二。又南流，穿雲龍州城而南，受東北來一水。又東南流，受東北來二水，至乾海子西，折西南流，經山麓，又西南入瀾滄江。此水，行瀾滄之東，白石之西，自北而南，合諸山小水，源流曲曲五百里。又南折西南而南，經永平縣西境。又東南，受一小水。出永昌府北境山，東流。又南，有沙木河，自東合二水來注之。二水出永平縣南山，西流，合而西，經沙木河汛南，又折西北而西注之。又東南，曲曲經永昌東境而東二百里，有一河，北自永平縣合數水南流，折西南來會。永平縣河出縣北境山，在乾海子東南，二源，南流而合。東南流，受東北一水。又南經縣城中，稍南，受東北來經城東水。又東南受西北來一水，有錫廠河自東北來會。又東南，曲曲百七十里，受東一小水，又受東南來狗街水，折西南流六十里入瀾滄江。此水，源流長三百里。又東南百二十里，經順甯府北境，受南來二溪合流一水，即出順甯北山北流者。又東，曲曲經山麓，又東經雲州北境，而漾備江北自大理府南流，匯東劍海、洱海諸水來會。

漾備江，即瀾滄之沱江也。北自小甸塘南，分瀾滄一支，東流，受東南來一水。又東至工江，汛西北，受東來一水。折南流，曰工江，有拉巴山水自東來會。又西南，受西南來二水，折而東，經河西汛北，又東南流，折而南，受西南來一水。又東南有麥雞河，自東北大山來會，即拉巴南山也。其東麓水東北流，至石鼓會金沙江者。又東南經通甸西北，有一水自西南來，即小鹽井西北水東北流者，一水自東合二溪來，並會。即通甸東北山水，兩溪西流，合而經通甸北者。又東南，至通江塘西，受東北來一水。又東南，受東北一水。又東南，經劍川州西境之舊蘭州東，有一水自東北來注之，即劍川北山西麓水也。稍南，受西北來一水，即舊蘭州西北山水，東南流經州南者。又東南，有磨刀河，自東北來注之，即劍川州西境水。又東南，受東北來一水，即州西南山水，經大山東麓，曰白石江。又南經彌沙井西，又東南，受西一水。又東，受北一水。又東南，有東劍海，北自劍川州合數河西南流來會。東劍海在劍川州東，上源有三：西北源曰老君河，出州西北百里大山，東南流。其東北源曰千水河，出麗江府西南石鼓汛之南大山，西南流百數十里，至州北境會而南；其東源曰螳螂河，出鶴慶府西北山，西南流百里，與二河合，潞爲大澤；又有州北一水，東南流，經州城東北會焉（九）。湖闊二十里，南經城東南，有水自西來，經城南注之，又受東南來一水。湖長四十餘里，自西南流出，至沙溪村東，有一溪自西北來注之。又西南受東北來一水，又西南入白石江。此水，源流三百里。自東劍海以東諸水，皆于鶴慶府入金沙。又南流，受西來水二，東來水一，即浪穹縣西境也。又南，經煉鐵街西，受西來一水，縣西南境。折東南流，經鄧川州西南境，受西來一水，始曰漾備江。又東南而南（二〇），經大理府治太和縣西北境。又南稍西，至漾備街西，受西來一水，街在府西南六十里。又東南，至合江鋪西南，有洱海，東北自府城滙北來浪穹、鄧川諸水，南流經趙州而西南來會，亦巨川也。洱海以形似名。北自鄧川州東南，南經大理府城之東，又東南經趙州西北，闊三四十里，長百三十里，其大與滇池不異。其上源

即浪穹縣之黑水、梅茨、白沙三河也。黑水河出浪穹縣北與劍川州東南界山。兩源，一南流，一西南流，合而南，經二營西。又南，而梅次河自東北山西南流，經二營之東，而西南來會。又南，而白沙河自東來會。南至縣東北，潞爲巨澤。有西北一水，東流，潞爲大池，經城北來會。又東南十餘里，有鳳羽河，南自鄧川州西南山北流，經縣南境，折東北流來會。湖自東流出，經廵司北，折而東南，至鄧川州北境，分爲二派。一南流，稍東，經州城東。一東南流，折而南，曰彌苴河。又南，復合，遂潞爲巨澤。有蘆濟河自東北來，亦潞爲澤，西南合焉。此洱海之首也。東西闊四十里。又南經上關之東，即鄧川州城南十五里，大理府城北百里也。又南，受西來山水三，東來山水一，即雞足山水西流者。雞足山在府城洱海之東北九十里。洱海又南，受西來一水，即府西北山水也。又南，受西南來經府城北一水。又南，經府城東，至此漸狹，東西僅十餘里。南又漸闊，受西來城南及南境三水。又東爲小湖，大湖相連。東南經趙州西北，有波羅江，合二水，自南而北，經州城東而西北來會。又西南流出，經下關之南。下關在府東南六十里，趙州西四十里，北至上關百二十里，此洱海之尾也。又西南四十里，經合江鋪南，而西會漾備江。洱海，源流三百五十里。自海而東北，諸山水皆入金沙江，自海東南，諸山水皆入河底江，亦滇省之大分水地也。漾備江既會洱海水，稍

西南，折南流百餘里，有一水，西北自黃連鋪合數水來注之。水出雲龍州東北山，東南流二百里，至永平縣東北境

黃連鋪東，受東北一水；又南受鋪前二流合而東流之水。又東南百餘里，入漾備江。

又南經蒙化府西境，曲曲而南百八十

里，受東北來一水既蒙化府西境山水西南流者及西來一水即樂可巧村西北山水，東南流，合南來一溪，又東流入漾備江。又東

南至雲州北境，復與瀾滄江會。首受瀾滄處，西十七度一分，極二十七度一分。會處，西十六度一分，極二十四度七分。亦曰漾

滄江。分瀾滄，會劍川州、浪穹縣、鄧川州、大理府、趙州諸水，源流共千餘里。

瀾滄江既會漾備江，東流八十里，有鳳皇山水自北來注之。折而南流，稍東，曲曲百餘里，

折西南流雲州東南境即景東府正西百三四十里，有順甸河，西北自右甸城東南流，經順甯府南，雲州城南，

合數水來會。順甸河上源曰右甸河，出右甸城北大山，東南流數十里，經城東，又東南曲曲百六十里至順甯府西南境，有一水自西南來會。

又東南百餘里，至府東南境，合西南來一水。折東北流至雲州西南，而府城北水，東南流，合北二溪、西一溪，南流來會。又有水鎮關水，合二

溪，北流來會。又東北經州城東南，有猛郎河，東北自猛郎司西北，合二溪（二），西南流，經州城東而南來會，曰順甸河。又東南流百餘里，入瀾滄江。此水，行四百里。又南數十里，折而東二十里，又南流五十里，受東北來一水，即景東府西南境水西南流者。又南，有猛麻河，西北自巡司來注之。又南，折西南流百餘里，受東南來一水。又西南百餘里，受西北來分水嶺水。分水嶺在猛緬長官司南九十里，猛準之東南。其水北流者，折而西南，爲孟定土府南丁河之源。又西南一百里有棘蒜江（二），西自孟定土府東南境合諸水東流來會。棘蒜江上源有二：一曰孟定土府東境之耿馬河，合北來、西來二溪（一三），又南流，合東北來二溪會之南別河，又南流，而東南，一曰土府東南境之南董河，自猛董東北流，合西北來一水；又東北經猛角南，又東流，合南來大溪，又東北流，至猛滲北，與耿馬河會。既會東流，折東南，曰猛滲河。曲曲百餘里，有一水，自西南合二溪來注之。又東流，有南猛河，北自猛庫，合二溪。西南流，又合東來二溪之會一水者。經猛猛村西北，又南合西北來二溪之會一水者。又南，經獵門村西，又南，合東來一水。折西流，合西北來一水。又南流百里來會。既會南猛河，又東，有猛尹河，南自邦董山東北流，合東南一水。折而北，經上、下二猛尹，又合東西二水，北流來會。又東流，折而東北，曰棘蒜江。有一水，北自仙人山南流來注之。又東入瀾滄江。此水，源流三百餘里。

折東南，曲曲流百八十里，有巴景河，東北自鎮沅府合諸水西南流，經威遠土州而西南來會。巴景河二源：一曰樹根河，出鎮沅府東北山及北山二溪南流而合。經府城東，有二溪自東南合而來會。又南，西南流，經城東南。又西南五十里，經抱母井南流，折而西南，一曰猛統河，出府西北山，合兩潤西南流，經府西境而南百數十里，與樹根河會。既合，西南流，有恩更河自東來，正統河自西北來，並會。又西南有景谷河，自西北百餘里，合三溪東南流來注之。又南，有難可河，自東來注之。又西南，經威遠土州城東南，曰巴景河，西南流，曲曲二百數十里，有一水，合二溪，北自猛曼西南流而南（一四），稍東，共二百里來注之，水亦大。又西南百里有瀾滄江。此水，源流五百餘里。自樹根河源山以東水，俱東入把邊江，下爲李仙江者也。

又東南百里有康郎河，自西北合諸水來會。康郎河出康郎村西北百餘里邊界大山，有二溪，出山，合東南流。二溪自西南合而東北來會。東至村西南，折東南流，合西來一水。又南，有蠻河，自西南合二溪東北來會。又東南，折而東流，合北來一水。又東南百六十里，入瀾滄江。此水，源流三百里。又南，經

巨洲，分復合，折而東，有猛賴河，東北自普洱府合數水西南流來會。猛賴河出鎮沅府南境山。兩源，一南

流，一西南流。合而南百里，有闌馬河，自東北合二溪，西南流，又合南一水來會。又西南流，有暖裡村河，西北自威遠土州東南山南流來會。又南流，曰暖裡河。有鐵廠河，東自西薩村東南，北流，折而西，合北二水而西南流來會。又西南曲曲百七十里，有追栗河（二五），東北自那庫里西南流百餘里，合北來之普洱河而西南流來會。又西南百六十里，入瀾滄江。此水，源流四百餘里。又東南，折正南，流數十里。

又東南流，受南北各一水（二六）。又東南，經車里宣慰司西北，有巨洲，分而東復合，至司北，折

東南流，曰九龍江。又西南至橄欖壩西，折東南，至猛淪南境（二七），有羅梭江，自東北合數水南流來會。羅梭江上源有二：一曰大開河，出那庫里南山，南流百里，經小猛罕西，又南六十里，經普藤東，又東南曲曲二百里；一曰龍谷

河，出小猛罕東北百餘里大山，南流，曲曲百九十里，與西北來之大開河會。既會，東南流數十里，有一水，合二溪自東北來會。又西南流百六十里，有一水，西北自孟養之東北大山，東南流百餘里來會。又西，折而南，經莽支西。又南流，折而西南，曰羅梭江，百餘里，經猛淪東，又南數十里，入九龍江。此水，源流七百里。又東南稍南流百里，入阿瓦國界。西十五度，極二十一度七分。瀾滄自人雲南界至此，

徑六度，曲折行二千五百里。又東南，經老撾界。又東南，經安南國，為富良江，入於海。又西，為南丁

河。

南丁河，出猛準東南之分水嶺。北流，有西南一水來會。東北流，折而北，合東來一水。經猛緬長官司東北，有一水，合二溪自西來會。又北，合西南一水。又北，有崑堡河、李歪河，俱

自東來注之。經臘丁西，又北，曰猛緬河。折西北，有分水嶺一溪及永鎮關南水合而西南流來注之。即雲州人順寧府南境。折而西流百餘里，受北來小水一、大水二。又折西南流，有一水，東自猛同

合三溪，西流來注之。又南，受東南一小水，即猛勇東水也。又西南，有虎口河自東來注之。虎口

河出猛撒東南山，兩源，合西北流，合西南來一水，折東北流，有一水自東南來會。又西北流經虎口村西，有一水自東來會。又西流入猛緬河。又西，受北來無梁山水，及南來一水。又西南百里，受北來一水，及東南來之南路河。又西南百里，至孟定土府東北，有南底河自東南來，南滾河自南來，並會。又西流，經土府城北稍西，有小南朋河自北來注之。又西，有大南朋河自北合二溪來注之。南朋河源隔山，即潞江南流也。折南流，入阿瓦國界。西十七度四分，極二十三度六分，在孟定西南二十里。此水，行曲折七百里，不知其人阿瓦後並入何江。南丁河之西爲潞江。

潞江，疑即禹貢黑水，蒙古名哈喇烏蘇，番名鄂宜爾楚。源出衛地喀隆之北二百八十里，四圍大山，中爲平野，有巨澤，曰布喀鄂模，當大流沙之東南，澤廣袤環曲二百三十里。西二十五度，極出地三十二度至五分。其水從西北流出，百數十里，又成一澤，曰厄爾及根鄂模，廣百餘里。又從東

北流出，八十里，又成一澤，曰衣達鄂模，廣長百餘里。從此池轉東南流百五十里，爲喀喇池，廣百二十里，水色深黑。其地即古雍望之嘉湖也。從南流出，曰哈喇烏蘇。又東南流，曲曲百餘里，受西來一水。又南，有布倫兒河自南來會。布倫河在哈喇池南百五十里，其東有公噶巴噶馬山之哈拉河，魚克山之魚克河，俱西北流百餘里，與西南來之說木池水合。又東北流數十里，入哈喇烏蘇。始東流百里，有一河，自北合三水及駭拉

池水南流來會。又東南數十里，折東北流，經巴楚山麓。又東北曲曲受南來二小水（二八），北來一小水，凡四百餘里，有沙克河合布克河自西北來會，亦巨流也。沙克河源出喇薩北七百餘里之喀爾占古察嶺，南流三百餘里，西合都同山之水，始名沙克。又東南二百五十里，北受布克河水。又東南流，西受枯藍河水。又東二百餘里，入哈喇烏蘇。布克河出自布喀山，山甚高大，形如野牛。連峯而東，爲諾莫渾烏巴什山。其陰水入金沙，陽水入哈喇。又東北百里，出衛地，入喀木

境。折東南流，有索克占旦索河，合諸水自北西南流來會。索克占旦索河源出衣克諾莫，烏巴什嶺，數水合流，繞

諾莫，烏巴什山麓，東南流二百餘里。其西南有巴哈諾莫，烏巴什嶺及布喀山，查漢峯流出之四水來會。歷兩山間，入喀木地，又流二百餘里入哈喇。諾莫，高，自此連山，界金沙、哈喇二江而東南，直抵雲南之境。既合三巨流，水勢始盛。南數十里，過索克薩

馬木橋，在索克宗城南八十里。

又東南，折西南流，始名鄂宜爾楚河。又西南，受西北來一小水。又折東

南流，曲曲受東北及西北小水各一。又東南受西南來一小水。折而東流，有一河，自北合數水南流至色里蘇木拖巴來會。此水長五百餘里。又東南百里，受東北來一小水。又東有一河，西南自打里

上宗城之敦錯池，北流合數水來會。此水亦盛。

又東，受南來一小水。又東，經羅隆宗城北境，受北

來一水。又折東南流百里，過沙布衣薩木巴橋，亦曰札木牙薩母巴橋。

又數十里，受北來一小水。又南流

稍西，曲曲二百餘里，受西來水。折東流，又南百里，折西南流，受西北來一小水。又東南流，經喀所突廟西。又東南流百里，受北來一水。又西南數十里，折東南流，受西來一小水。又南，有敖楚河自東北來會。敖楚河亦曰鄂宜楚河，在匪坐里岡城西，源出城北三百里納蘭嶺，南流五百餘里至家拉穆地，入哈喇烏蘇，長

八百里。又南，曲曲三百餘里，受東來一小水。又折東南流，經米喇隆地，亦曰米納隆巴。又二百餘里，

入怒夷界，始曰怒江。又南流三百餘里，入雲南界，曰潞江。計自源至此，橫八度，縱五度強矣。

潞江自怒

夷界南流，入雲南麗江府邊境。

西十七度五分，極二十七度三分。東北去怒山，瀾滄江入邊處百二十里，在樹苗汛西百三十里，東

岸有大山。

南曲曲流百里，受東一水。又南二百數十里，受東北一水。又南百八十里，至大山東麓，在

表村西南百五十里。

折而東南流，自人邊至此五百里，雲南西北以此水爲邊，其西岸即怒夷界也，故曰怒江。東岸與瀾滄相去僅百三四十里